



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Forma Vernacula Lingua Copvlandi Rite Desponsatos, Et
Legitime Proclamatos, Secvndvm Catholicæ & verè
Apostolicæ Ecclesiæ ritum**

Leisentritt, Johann

Coloniae, 1590

VD16 L 1074 (Beigef. Werk)

Capvt V. De Temporibvs.

urn:nbn:de:hbz:466:1-39240

Quis sit effectus legitima dispensationis in causa matrimoniali?

Effectus dispensationis est, quod contractus fit matrimonium, contrahentes mariti & uxores, liberi inde nati sunt legitime, cū distinctione de qua suprà, scilicet si dispensatio est facta in gradibus à iure diuino prohibitis. Ulterioribus tamen, vt si quis duceret relictam patrui tum legitimantur tantum liberi post dispensationem nati, priores non sunt legitimi. Si autem dispensatio sit in gradibus à lege Canonica prohibitis omnes sunt legitimi, per ea quæ decidunt Ioan. An. & Pa. in d. c. per venerabilem.

DE TEMPORIBVS.

CAP VT V.

Quae sunt tempora siue feriae in quibus nuptiae non debent solenniter celebrari?

Antiquas solennium Nuptiarum prohibitiones ab omnibus obseruari Sacrosancta Synodus Tridentina præcipit Ses. 8. Vnde haud abs re esse putauit in gratiam & specialem fauorem pastorum exprimere & recensere tempora (vt vocant) ferrarū, quæ nuptias solenniter celebrandas, non patiuntur, causis prohibitionis annexis. Et sunt hæc.

Videlicer:

A Dominica prima Aduentus, usq; in diem Epiphanie. Ab hoc enim tempore, quod est tēpus renouationis Ecclesiastica officia incipiunt, & magnificus Aduentus D. nostri Iesu Christi per quatuor septimanas, eo quod quadruplex sit aduentus filij Dei, sed ultima non quam finitur, quia sanctorum gloria quæ dabitur in ultimo aduentu, scilicet ad iudicium, nunquam terminabitur. **PRIMVS**, itaq; Aduentus est in carnem, scilicet in utero virginis assumptionem, de quo dictum est, Osanna, filio Dauid, Benedictus qui venit in nomine Domini. **SE CVNDVS** in mente, qui descendens fit quotidie in cordibus fidelium per Spiritum sanctum, de quo Ioan. 14. cap. Ad eum venient & apud eum mansionem faciemus, & dicit Sap. 9. Domine emite sapientiam. vt mecum sit, de his habetur bacuc. 2. Si moram fecerit expecta eum. quia veuiens veniet, &

non

DE TEMPORIBVS

79

montardabit. TERTIUS Aduentus est in morte eius liber, de quo dicit B. Jacobus cap. 5. Patientes estote usq; ad aduentum Domini. & Matth. 24. cap. Si sciret pater familiæ qua hora veniret furem, vigilaret utique, &c. Ideo & vos estote parati, &c. Et iterum Lucæ 12. Si in prima vigilia venerit, id est, in iuuentute, & in secunda, &c, & ita inuenierit, scilicet in pœnitentia. Beati sunt servi illi. QVARTVS erit in maiestate, qui erit in die iudicij, de illo legitur Esa. 3. cap. Dominus ad iudicium veniet, cum senioribus populi sui. Et notandum est, quod primus Aduentus liberauit animas, Secundus liberat eas a peccatis. Tertius a poena. Quartus corpora liberat. Hac ille.

Et rursus

A feria quarta Cinerum, usq; in octauam Paschatis inclusus. Hoc enim tempus est tempus Pœnitentiae, afflictionis & abstinentie, tunc homines abstinent a carnis & continent a luxuria, ut probetur apud Guil. Du. lib. 6. c. 28. quod D. Petrus hoc jejunium primò instituerit. Habet & authoritatem hoc jejunium in veteribus libris ex ieiunio Moysi & Heilie & ex Euangeli. o, inquit August. Epist. 119 ut de Moysi patet Exod. 24. & 34. de Helia 5. Reg. 19. de Christo Matt. 4. Minci. I. Lucæ 4. De ieiunij præterea, institutione & qualitate abundè tūm vel ex Concilio Cabilonensi in c. solent de con. di. i. Per octauam vero paschatis quia officium dominicae Resurrectionis deuotissime celebratur, & pertinet ad timorem, quo timemus terribilem sententiam iudicis. Cum enim dicit pater, Rex & iudex omnium resurrexit & abhuc in suggestione inimicorum dicentium, quando morietur & peribit nomen eius. Tunc magnus erit timor & tremor Vnde & in offertorio dicitur. Terra tremuit, &c.

Item.

Ap̄ima die Rogationum, usq; ad Dominicam Exaudi. Nam per haec dies secundum Concil. Aurel. debemus ieiunare vel saltem quadragesimalibus, & cappis nigris, non vestibus solennibus, in signum pœnitentiae vti. de consiliis distincti. tertia. Rogationes. Præterea omnes debemus a feruilibus operibus vacare, & sicut omnes



omnes peccauimus & misericordia Dei egamus, ita omnes tam serui & ancillæ, quam viri & mulieres illis dominantes, Litanijs & precibus vnamiter ad Deum fundendis, interesse, ad Deum cum manibus erigere, & pro venia supplicare debemus.

Item.

Feria sexta, hoc est dies Veneris cum sabbatis, in quibus de facto me mini multos nuptias celebrasse, quem autem euëtum habuerint, extant exempla. item vigiliae (vt vocamus) quarundam festiuitatum, que ab Ecclesia præcepta habent, ieunia. His etiam accedunt dies ieuniorum. Quatuor temporum, de quibus quilibet hoc quod plurimis ignotu est, notet, nempe cum annus solaris quatuor temporum successione dilabatur, scilicet hyemis, in quo semina iaciuntur. Veris in quo seminata prodeunt, & in spicas acuūtur. Aestatis, in qua menses albescunt, & falce succiduntur. Et Autumni, in quo per ventilationem grana à paleis separata, in horreis reponuntur. Sic & magnus vitæ præsentis annus, durans ab initio, usque ad finem mundi, quatuor temporum varietate mensuratur. PRIMVM tempus fuit deuiationis in genere humano, videlicet ab Adam usque ad Moysen, in quo declinauerunt homines à cultu Dei, qui vera lux est, facti idololatriæ, & nihil illuminationis doctrinæ habentes, simul inutiles facti sunt, nec fuit qui ficeret bonum, usque ad unum. Tunc enim reliquit homo creatorem suum, & de lapide dixit. Tu es Deus meus, Hoc tempus, quia fuit ignorantie & cæcitatis, bene concordat hyemi, in quo obscuritas regnat. SECVNDVM tempus fuit reconciliationis, siue renouationis, videlicet à Moysi usque ad nativitatem Christi, quo edocti sunt homines per legem & Prophetas de Aduento Christi, de curatione peccati, & dilectionem eius Dei. Tunc dominus dixit ad Israel Deut. 6. Audi Israel Dominum Deum tuum adorabis, & illi soli seruies, & doctus est homo, quid sibi ipsi, quid Deo, quid proximo facere teneretur. Postmodum ob eadem causam suscitauit Prophetas, vt scilicet prædicatio hominem magis ab erroribus reuocaret. Hoc tempus concordat cum vere, quod habet aliquid luminis, sed multum obscuritatis. TERTIVM tempus fuit regressionis siue reconciliationis & visitationis, videlicet à nativitate Christi usque ad Ascensionem eiusdem, per quam facta est gratia hominibus, & prædicatio Eu-



Euangelij, de quo dicitur. Ecce nunc tempus acceptabile, ecce nunc dies salutis Hoc est tempus gratiae, quia oriens nos visitauit ex alto, in quo tempore Dominus, qui est sol iustitiae, mundum sua praesentia visitauit, & propria doctrina sufficienter illustrauit. Hoc tempus concordat cum estate, in qua claritas regnat. QVARTVM est peregrinationis videlicet ab Ascensione Domini usq; ad diem iudicij, ubi erit consumatio seculi, quod tempus est, habens multum luminis, qua Dei misericordia reuelata sunt diuina mysteria, habet tamen aliquid obscuritatis nostra negligentia faciente, & sic concordat cum autumno, qui habet aliquid obscuritatis, sed amplius claritatis, Vt autem summatum dicatur, In primo tempore vigor fidei, flos spei, fructus charitatis frigore infidelitatis exaruit. In secundo, vinea Domini aliquatenus viruit, & floruit. In tertio, virens & florens fructus uberrimos attulit. In quarto cadenteibus folijs verborum, decolorari coepit. Hoc de quatuor temporibus quae cum ieiunio representat ecclesia singulis annis. siue status ecclesiæ per haec quatuor tempora variatur.

Item.

Speciale restat impedimentum, quod est vel à iure ab homine. A iure utpote prohibetur tempore quadragesimæ, alioquin tempore prohibito contrahi matrimonium, ut prædictum est. Et not. c. capellanus. de fer. c. non oportet, & seq. 3. q. 4. quod est intelligendum, ubi non contractus matrimonij aut coniugum, sed publica nuptiarum solennitas & coniuicia & choreæ atque solenis traductio vxoris, coniunctioque carnalis prohibita censenda sunt. glo. & doct. in d. c. cappellanus.

Ab homine interdum pedimentum, ut si iudex prohibeat ob aliquam causam, ne pars contrahat, antequam de matrimonio fuit cognitum. Si iudex iste habebat causæ cognitionem matrimonij, & tunc si causa sit perpetua, propter quam interdictitur, & eo casu peccat, qui contra talēm prohibitionem contrahit & separabitur matrimonium data sententia diuortij, & probato impedimento coram iudice ecclesiastico. c. vlt. da matri contra. in rer. Eccle. contract.

I

Si

ET FERIIS.

S verò impedimentum erat temporarium, tenebit matrimonium, vnde hi versus antiqui recensentur:

Ecclesiæ vetitum nec non tempus feriarum.

Impedient fieri, permittunt iuncta teneri.

Sed in pœnam debet iste contrahens ad tempus separari. c. 1. & 2. de matrimonio. cōtra interd. eccles. Angel. Claua. in sua summa, in verb. Matrimonii. 3. ver. impedimentum primum, & seq.

Nota.

In alijs verò temporibus nuptias celebrari permittitur, quas pastores curabunt, vtea, qua decet modestia & honestate fiant,

Sancta enim res est matrimonium, & sancte tractandum.

F I N I S.